

兼葭堂稿

蕪葭堂集敘

中憲大夫貴州按察司提學副使郡人莫如忠

東吳文獻率祖機雲更千百年絕有聞矣
而宮詹陸文裕公崛起瀕海入緯國華放
辭瓊琚雄視一世時論以方平原而其子
楫思豫甫蜚英穉齡嫻於藻績談鋒推坐
殊有父風載辟州里業冠棘園而以忌者
阻抑遂終坎軻鬱鬱竟卒纔三十有八齡

所存筍草詩文若干首輯自其子臺鼎君
郊梓焉命曰蕪葭堂集雖零落遺編不能
十一而讀者以邇家學之承知文裕公蓋
有子云嗟夫美好不祥修名賈忌意長畧
促哲士興悲若思豫君蕪斯悼矣然余第
考自古以才而厄于年者如賈長沙之治
安上書過秦著論雄篇巨麗動闕國體施
名不朽固無復疑及若王文考彌正平酈

勝之流寥寥短章僅詞賦著而垂芳來
亦具稱奇何哉夫片石韞琦均資珪瓚
林巾墨不廢工倅君子愛其人斯美其
而傳之又奚暇較妍拙於多寡有遺善
弗錄乎余讀蕪葭堂集詩不滿百而命
道逸屬思冲和務嚴體裁弗矜色澤文
數十而議論慨慷率依名節深切世務
視浮榮總廩撰著非苟而已也欲無傳

乎或謂思豫以彼其才假令早致青雲
盡餘力攻古文詞計其所存直不啻是
則或假之年以湏追琢而優其成亦當
闡作者之堂矣乃造物咸靳之而姑有
焉以表見於世所謂不能盡其材者也
我臺幕君克嗣而賢凡所續述以光至
者不可殫述是集之傳蓋其一也余慨
原之後迄無聞家又幸文裕公歿而文

獻之存乃有是徵如是故並論敘之以明
古今家聲隆替所繇俾後有覽焉

嘉靖丙寅春三月望日

蕪陵堂稿目錄

卷一

元旦祝聖壽和沈瞻嶽韻

登真覺寺西天臺次張橫涇韻

題望雲思親卷贈王別駕

送顧舍人小川還朝八首

奉賀鄭方部文峯元旦二首

送潘竹菴歸海門蕪問鷺汀鹿汀鶴汀雀

氏三兄

次韻送顧龍山南歸二首

壯士留別朱岱輿

暑卧讀杜詩見有嚴僕射于仲夏攜酒饌
見過之作偶邑侯望川孫公枉駕江園因
用其韻

送朱象岡北上用唐雲山韻

七夕和孫明府

贈蒲陽陳梅東

書董紫岡卷

送秦鳳樓鄉試

送張頤江北上

寄懷袁太冲秋卿

送大行何大鑾還朝

慰頤方壺病起

書張野津扇

初夏山居詩集

送文仰古少尹陞王府紀善

寄懷李瀛甫

伯樂歌謝許燕橋別駕

庚戌端陽日納馮江樓不至

懷顧小川秘史

送黃尚伊應試南都

送沈瞻嶽上太學

送唐晉泉遊鍾陵

春日山居偶作

送若溪家兄遊太和

題遠峯卷

寄李雲塘

寄戴鳳梧

送楊大行抑齋還朝

送黃東溪北上

丁未春日黃玉琮節推登山樓有作因和

韻二首奉謝

懷山月軒

書怡靜卷

書思竹卷

次瞻嶽賞菊二首

梅花

送何三白

送韓春城壯上次唐雲山韻

懷注碧泉

賀諸守益新居

飲玉泉

宴起岩志

懷寄張本靜

倚韻答朱南孺二首

題海棠

謝王寵山贈筆

題竹

懷徐望湖

寄唐一函

卷二

送姚晉明就試

送高望祿還山陰賦吳江行

送方子

還莆陽賦桐山行

送方碧

侯還莆陽賦越江行

鶴津山

亭歌五首

送郡侯

馮桐岡南歸

代友人作

贈別吳

春亭調風入松四闋

送董紫

岡上南雍調喜遷鶯

送朱象

岡上紅調喜遷鶯

春郊飲

雲山園亭調蝶戀花

送新甫

別歸晉陽調蝶戀花二闋

春日病起書懷調武陵春二闕

已酉歲余畱京師瞻嶽遠寄念

以嬌一闕

懷思甚切因韻奉酬

卧病調阮郎歸一闕送王一鶴

歸還

贈別小癡子調蝶戀花

為唐一涵題畫調風入松

贈藻潢調青玉案

懷張野津調武陵春

送碩方壺北試賦帝臺春三闕

送顧漱玉上太學調望海潮二闕

懷注石川調浣溪沙一闕

卷三

送吳父婦荷逢齋副憲河上

送孫望川考績序

送孫望川之冬官序

送邑博方中洲膺召序

送嘉興郡侯畢梓石膺召序

家廟奠新室祭文

祭先師竹齋姚先生室沈孺人文

祭伯母楊孺人文

宗黨合祭後无望夫文

宋南遷解

華夷辯

隱惡辯

卷四

上徐少湖閣老書二首

奉包蒙泉侍御二

秦楊朋石考功二首

奉張須野文選二首

奉畢梓石憲副

奉田豫陽憲副

奉黃翠巖侍御

奉張萬山福清

奉方忠淵歸務

懷嚴濠山無郎書

奉蕭韋軒燕臺啓

卷五

雜著 凡七條

卷六

雜著 凡十四條

卷七

雜著 凡十一條

卷八

墓誌 附

燕陵堂稿目錄

終

蕪葭堂稿卷一

陸楫思豫

元旦祝聖壽和沈瞻嶽韻

峩嵒宮闕五雲端
唱徹雞人夜向闌
鳳曆三陽占玉莢
龍旂萬乘拂金鑾
光搖燈燭輝瓊宇
韻協簫韶下紫壇
聖壽無疆逢泰運
萬方嵩祝拜千官

登真覺寺西天臺次張橫涇韻

長空澄霽絕飛埃
携伴來登般若臺
西鎖烟霞

千嶂合東聯宮闕五雲開松間地籟驚黃鶴石
上天花點綠苔漸覺此身生羽翰好風扶上碧
崔嵬

題望雲思親卷贈王別駕

遊子縑青組嶢嶢倖名邦願言效臣節清操凜
雪霜所懷夙夜勤耿耿不可忘忽瞻天際雲遙
憶我故鄉故鄉何所憶慈親在高堂定省久已
曠孝思不我將吳楚遠燕趙宇宙何茫茫何日
歸故里把酒牽親裳誰羨青雲程雲程阻且長

送顧舍人小川還朝八首

崢嶸赤日射千巖江上行人勒馬銜別後相思
知好寄南來鴻鴈有題絨

獻策昔年辭鴈侶含香此日侍龍顏歸來又
奉連枝會對月看花得暫閒

懷親戀闕總相宜吳樹燕雲鎖別離最喜鳳
凰池上客孝廉應動帝王知

口銜天語出長安上谷雲中次第看獨喜王孫
解留客橐中相贈有琅玕

龍江畫舸暎秋空滿載圖書一鏡中好把赤心
酬聖主不妨金馬老雕蟲

綠暗江亭喜見君青山沽酒話殷勤相逢無奈
仍相別惱聽啼鶯送夕曛

五雲深處隱彤扉滿院香風散紫薇日晏詞頭
新草罷玉珂花底退朝歸

江上黃花暎彩旂侍臣安得賦閒居天涯明日
生鄉思白髮慈闈又倚閭

奉和鄭戶部文峯元旦二首

千里韶光入眼新
柳絲梅萼競先春
黃鐘律轉三陽泰
青帝權回四海仁
飄藻更誇飛鸞功
勲湏看上麒麟
東風變盡江南草
城外雕鞍不斷人

旌旆臨江物候新
雕輪寶馬爲行春
催科未了司農賦
撫字還宣聖主仁
鳳闕鵷班推獨駿
鯉庭桂子羨多麟
也知清署多餘暇
又枉新詩寄故人

送潘竹菴歸海門兼問鷺汀鹿汀鶴汀崔

氏三兄

城隅立馬暫躊躇日暮留君欲引裾風滿鰲帆
催客棹花飛鳧渚亂鯨魚千行綠樹人何處兩
岸青山畫不如為問三汴崔伯仲年來讀盡五
車書

次韻送顧龍山南歸二首

官河春水送行舟君去匆匆不可留須信故園
春正好莫因風雨駐楊州

上苑流鶯夾樹飛垂條嫋嫋思依依家鄉望斷

三千里今夜因君夢亦歸

北上畱別朱岱輿

龍江春水漲晴沙芳草主孫又別家鄉國傷心
兼日暮故人分手即天涯我無寶劍冲寒朱君
有文章綃彩霞他日長安倘聯轡與君同看上
林花

暑卧讀杜詩見有嚴僕射子仲夏攜酒饌
見過之作偶邑侯望川孫公枉駕江園因
用其韻

山館聊供筍蕨盤空煩潘令駐雕鞍含風島嶼
烟初斂過雨池塘水正寬地在高賢生物色冰
於清節照人寒也知日暮相思處醉折花枝却
盡歡

送朱象岡北上用唐雲山韻

羨子青雲士携書恣遠遊望迷吳苑樹愁共楚
江流舞劍催尊酒啼鴛送客舟秋風知得意未
許伴沙鷗

七夕和孫明府

海外層城傍斗牛，嫦娥宮闕夜偏幽。
忽驚鶴馭來蓬島，疑有鸞笙度玉樓。
天上佳期惟此夕，江南清景最宜秋。
天孫何事傷離別，淚滴長河不盡頭。

贈莆陽陳梅東

河內陳蕃海上來，登高能賦見奇才。
九霄直際風雲會，三峽驚看天地迴。

書董紫岡卷

紫雲深護碧山居，為學辛勤有仲舒。
手握隋珠

集賢堂雜卷一
五
光照夜膽雄雷劍氣凌虛秋風定送孤騫鶴春
雨偏催獨化魚望斷江南與江北接天烟草恨
何如

送秦鳳樓鄉試

文運東吳勝憐君有令名一飛誇健翮兩世見
交情花滿金陵道帆開鐵甕城雲霄知不遠萬
里看遐征

送張頃江北上

烟水吳東棹風雲冀北程劒光凝雪瑩袍色照

江清帝闕丹霞近親闈綵袖輕離筵一杯酒
歌罷若爲情

寄懷袁太冲秋卿

萬里迢迢尺素沈天涯誰復寄同心昔年講藝
韓檠在此月思君渭樹深江苑烟花偏漠漠西
臺霜柏自森森相期匹馬重逢處清話燈前酒
細斟

送大行何大壑還朝

錦帆斜掛動微風滿載圖書返鏡中官道清霜

凋漢柳海天殘雨暗吳宮九重鳳閣凌虛上萬
里星槎有路通 當寧只今憂正切夜深前席
問疲癯

慰顧方壺病起

春盡山房感物華疎簾風軟撲飛花憐君病起
渾無事自滌銀鐙欲試茶

書張野津扇

花落空階雨乍乾翠簾風細鎖輕寒啼鴛怪底
驚春夢起向危樓獨倚闌

初夏山居小集

薰風池館覆重陰
傳得琵琶到客心
更喜餘香吹不盡
夕陽樹底酒杯深

送文仰古少尹陞王府紀善

少尹新遷近帝畿
攀轅此日共依依
農多百穀滋春雨
院有雙松戀夕暉
洛社高風千古振
江都賢相至今稀
漢家惟有河間在
老去文章尚不違

寄懷李瀛甫

東吳南越暮雲平今日相思倍遠情
衛玠丰標同玉樹孫郎詞賦有金聲
滄江問訊無魚到碧海飛騰羨鶚橫
謾說傷心舊時事西風兩地白楊聲

伯樂歌謝許燕橋別駕

漢家浴馬東海濱海波萬頃飛白雲
神駒龍種騁捷足中有一馬悲獨鳴
良工伯樂亦幸遇咄嗟良馬憊復驚
斜披毛鬣正潦倒昂頭掉尾猶風生
今日相逢若有訴忽爾聞之增感切骨相

那知世所希古道霜蹄還蹇蹶揚鞭揮手試一
驅獨步塵生汗如五頃吏百里不少畱渴飲江
流氣仍烈胡風燕月征蹄寒銜纓帶絡馳天關
奇勲直勒燕然石鐵甲踏破崑崙山歸來奏凱
見天子臨軒一顧天顏喜儒臣為作神馬
歌錯落珠璣走丹陛三春垂的蒼龍驚九秋別
駕瓊英輅春風披拂紫絲韁慙慙徐驅上陽路
飲水瑤池噴白玉饑餐內苑黃金粟旋風走電
何足珍駉駉蒲梢徒碌碌天王重賞伯樂功

朝鼎食千鐘祿願君品藻天下士萬方髦俊無
攸伏

庚戌端陽日約馮江樓不至

昨夜天涯客今朝江上臺林鸞背花語蒲酒待
君開蕉葉誰題句松根自掃苔日斜期不到翹
首獨裴徊

懷顧小川秘史

憐君日日侍彤闈綵綬銀章照錦衣冀北音書
多阻絕天南魂夢獨依稀青山寒雨悲紅樹畫

省香風對紫薇何日星軻過鄉國江園花木重
光輝

送黃尚伊應試南都

黃浦清秋扣綵舫乘風破浪總堪憐長江直瀉
數千里魏闕宏開億萬年伯樂自應求駿馬張
華偏解識龍泉知君得意懷歸切鄉信閩南託
鴈傳

送沈瞻嶽上太學

絲絲江柳別情牽送爾西遊更渺然魏闕曉雲

瞻王氣園橋春水弄晴烟百王盛典尊文廟六
館羣英聚誦筵最羨沈郎詞藻富揮毫先草帝
京篇

送唐晉泉遊金陵

山川佳麗帝王州相送憐君幾度遊他夜月中
吹玉管有人遙憶鳳凰樓

春日山居偶作

千樹碧桃和露開曲闌斜倚獨徘徊霓裳舞罷
行雲散無數落花堆綠苔

送古溪家兄遊太和

吳江月色一天白
楚峽柳條千樹青
扁舟南望不可極
渺渺平原飛鵲鴦

題遠峯卷

草堂虛敞對羣山
日日鉤簾意獨閒
度海亂雲封畫戟
洗天涼雨濕青鬟
秋高古樹微茫裏
日暮層巒縹緲閒
自是謝公多逸興
每携雙屐恣躋攀

寄李雲塘

樽酒論文意獨傾廿年誰改歲寒盟傳經有道
稱方叔獻賦無緣愧士衡湖渚春深飛乳燕江
園花老送流鶯臨風好寄相思曲倚遍闌干月
正明

寄戴鳳梧

馬策燕臺路帆分易水秋
烟霜悲鼓瑟塵土愧
征裘故國多衰草寒江有釣舟
山陰風雪夜此興爲君酬

送楊大行抑齋還朝

皎皎淩空玉樹孤簪纓奕葉照東吳朝陽又見
鳴丹鳳秋水仍看鵬彩鳬葵藿有心還北向風
雲無翮困南園樽前一笑花零落志士翻悲壯
氣徂

送黃東溪北上

孤標如玉映清秋馬色翩翩上帝州回首十年
龍浦別壯懷萬里鳳城遊江南紅葉傳霜信薊
北黃雲動客愁欲問相思何處切晚風寒雨獨
凭樓

丁未春日黃玉淙節推登山樓有作因和

韻二首奉謝

乙巳歲八月公曾同萬月洲舍人過此

經遊秋日最清嘉
天使同臨隔歲華
宿雨弄晴藏石燕
早春迎客對山花
苔粘短屐穿林外
樹隱停驂傍水涯
阜蓋莫嫌歸去晚
一林殘照興還賒

江口樓臺霽色賒
東風簾幙護韶華
慚無醉客葡萄酒
喜有隔林桃李花
野鳥嬌歌聞竹裏
使君甘雨遍天涯
爭誇王勃多詞藻
賦罷憑闌送

落霞

懷山月軒

涼薰高閣正思君
西望青山鎖白雲
欲問采芝何處所
定騎黃鶴出塵氛

書怡靜卷

小拂茅齋水郭西
蒼苔白石愛幽棲
日長自掃蒲團坐
厭聽春風亂鳥啼

書思竹卷

夢落瀟湘枕簾寒
又驚疎雨灑琅玕
殘燈無燄

夜將半聽盡秋聲淚不乾

次瞻嶽賞菊二首

花富東籬破却貧對花湏索卸陶巾一尊酹盡
三千朶誰數田文席上賓

青山結社共論文掃却塵心與世紛愛殺休文
多逸思賞花詩句更超羣

梅花

疎影落寒枝清香流夜月欲獻調羹人獨先百
花發

送何三白

遊子自南楚盤桓東吳間遠遡齊魯境直叩燕
趙關問渠何所事受學太史氏予亦走長安同
歌行路難論學究千古高情却誰伍薰風忽言
歸懷人淚欲垂長河望湘沅嚴親日倚門天香
秋得月重向黃金關交盟山海長永永無相忘
送韓春城北上次唐雲山韻

春暮江南路携書上國遊瞻雲頻拂袂把酒重
臨流綠水迷官柳青山映客舟自怜相送處落

日起沙鷗

懷汪碧泉

海國三年別江天萬里情
楚雲飛不盡吳岫若
為迎玉樹偏呈秀金蘭
早結盟青山一杯酒花
下待君傾

賀諸守谷新居

簪纓廿載歎僑居清白從教與世違
海上忽看開綠野白邊早已謝黃扉
雕甍風細鷗頭並畫棟泥香燕子飛
興到臨池恣揮灑庭花應共墨

花肥

飲玉泉

一滴天瓢瀉玉泉
清流滾雪自山巔
潺湲遠徹千尋壑
灌溉須周萬頃田
寒立鷺鷥疑宿雨
暖翻蘋藻欲生烟
山僧愛打蒲團坐
讀罷莊生秋水篇

晏起言志

重理殘編對曉風
孤懷偏不與人同
醉酣半枕風雲夢
長嘯一聲天地空
壯志未能忘冀北
清

時誰放老江東他年踏破龍門浪千丈樓船百尺蓬

懷寄張本靜

傾蓋論交已十年棘園頓試鎖寒烟飄飄氣槩橫銀漢滾滾詞源噴玉泉別後莫嫌稀尺素望中先喜著秋鞭却慚汨沒同鷗侶落日空江正渺然

倚韻答朱南孺二首

溫醇程伯子才華蘇長公獨慚樗櫟質不復與

君同

奮迹鵬雲際
投交龍浦濱
何年遊上苑
攜手挹瑤津

題海棠

絲輦海棠嬌
金谷春風裏
和露倚闌干
玉環初睡起

謝王窟山贈筆

花落江園暗
綠枝憐君贈
筆寫新詩
當窓掃盡三千幅
一任魚龍起墨池

題竹

淇水蕭蕭碧玉寒
龍孫匝地長闌干
不知念舊情多少
風露翻疑淚未乾

懷徐望湖

懷人萬里對西風
極目燕臺一望中
兄曳金魚光照闕
弟誇瓊樹勢淩空
翻餘萬卷芸窗綠
醉倒三春杏苑紅
海國江門明月夜
定裁緘素託飛鴻

寄唐一涵

秋風江上正思君
綠樹千行隔暮雲
鴈浦好音頻入夢
鳳臺明月重離羣
棘圍鶚薦層霄翮
筆陣蠶生五色文
為種奇花滿山麓
歸來相與醉斜曛

蕉葭堂稿卷一終

薰葭堂稿卷二

陸楫思豫著

送姚晉明就試

與君髫髻心相知相期雲路同揚眉
憐予少君一十載追隨弱冠同棘園
都門再試再不偶猶存壯氣寒牛斗
後辭北試還復南君連廬墓泣枯柳
一朝抱藝出空山江東正爾開賢關
悲予亦作居廬客無緣共泊秋江灣
何期一戰復不雋圍人豈識黃金駿
重歸鼓鬣躒紅塵一聲嘶

處長空震嗟無伯樂論定價牝牡驪黃亂爭駕
遲君一騁向天衢秋光五色祥雲下君家歲歲
栽黃花西風三徑秋正嘉南還折取蟾宮桂和
却天香泛紫霞

送高望梅還山陰賦吳江行

東越山深深萬重君獨結廬依桂叢十載韋編
已三絕一朝名冠蟾蜍宮天上歸來還海上江
園夢落梅花幃主人校藝青山中聽說連山與
歸藏夜深剪燭西窓紅懸河倒峽無終窮銜盃

醉臥花下月散髮還吟樹底風重嗟歲月不相
留丹楓滿目驚殘秋故人買棹欲相別江鷗海
鶴偏悠悠離筵淚濕青衫袖魂夢一宵飛楚岫
時時江上望雙魚它日重來駟馬車

送方子還莆陽賦桐山行

青山有桐千尺長擎雲礙目棲鳳凰山人好音
思綠綺掄材謬向山之陽調寫高山與流水抱
琴萬里趨明光明光歸來過東海與君傾盞嗟
亡羊空山信宿話今昔懸河倒峽真洋洋對花

沽釀試一曲簷端落月無飛霜曲終散髮卧江
上海門雲樹相微茫一朝囊琴返南國臨江淚
濕秋羅裳蘭橈桂檝破烟浪晴鷗點點隨風揚
因風再鼓長相思風急一聲聲斷腸人歸桐山
隔天外故鄉何處多徬徨琴心古來重知己魚
書鴈帛勞相將何年盡試師襄伎日向瑤臺侍
玉皇

送方碧溪還莆陽賦越江行

碧溪者邑博
中洲乃翁也

高人卧隱碧水頭一朝放棹吳東遊
聞吳相去

幾千里溪翁逸興真悠悠麟兒夙抱淩雲才南
宮射策捧檄來蘇湖遺矩矱海校當軒絳帳春
風回誰云溪翁就祿養趨庭鯉訓猶堪仗香風
退食芹水傍舞觴日日添新釀童顏鶴髮神仙
流尋花問竹遣客愁清宵吟落天上月終朝坐
對沙邊鷗南薰襲人懷故鄉橫江鼓枻提行囊
蘭蓀牽衣繞膝下潮生畫鷁相徬徨越江官柳
隔千山暮雨斜陽縹緲間溪翁道出西湖曲蘇
堤綠水猶潺湲溯流東去過嚴瀨飛毫弔古情

何柰青山兩岸接楚天洞雲岫月蘭橈外間關
夜泊望東甌武夷嘯傲遲行騶玉女峯頭殘月
白一尊湯倒還夷猶新秋酬却家山夢山花猶
憶曾相送拂袂歸來理舊栽九華八壺湯嘲弄
兒郎玉樹隔天涯尊羹鱸饌猶頻嗟它年獨對
龍墀策泥金伴寄春宮花海上重勞停宦轍羣
英猶憶程門雪此時錦袖迎僊翁重來越水真
奇絕慚予尚爾淹蓬茅叨從令子知心交論文
意氣俯千古抽玄作賦相推敲憐翁別去心獨

悲人生會晤本難期
海門魚鴈秋霜冷
尺素還將慰我思

鶴津山亭歌五首

且遶園

江南地勝多名園
瑤臺玉樹爭葩妍
主人無數戀金闕
花開不知年復年
惟君欲展淩雲翼
且築芳園恣幽適
手植奇花八百株
株株掩映湖山石

竅玉亭

採得崑山一片玉玉光千尺暎山亭神工削出
芙蓉勝烟嵐變態疑有靈中藏百竅通突光漏
隱秋光真月窟主人綽有元章風再拜何妨具
袍笏

榆涇書舍

榆涇山人愛讀書構得精舍涇之湄少年已破
三萬卷當窓落筆騰蛟螭兩岸繁陰蔽朱夏滴
露研硃向花下琅函錦帙生春風誰羨當年誇
鄴架

龍窟山

派泉激石繞深澗恍疑下有神龍蟠
茫茫重霧起山麓水腥吹徹星斗寒
山人曾學屠龍來九霄駕風鞭春雷
一吐靈珠照東海散作甘霖遍九垓

桃巷

青山曲巷多桃花千株萬朶蒸紅霞
賣花山人頻折去一朝春色天之涯
誰携美人醉花前朱顏相暎迷金鈿
重憶當年劉阮事尋芳何必武

陵源

送郡侯馮桐江南歸代友人作

天空楓落江正寒扁舟早發如飛翰共傳賢侯
去澤國黎民泣送江之干昔侯來作東海令千
林桃李花相暎一枝帶雨春乍芳尤向河陽誇
獨盛談經論史吐肺腸十年淪落嗟亡羊忽承
簡命作郡牧更逢青眼驚尋常崇陰千里徧甘
雨他邦借寇復何所國士捐身不可攀意氣生
平俯千古天王宵旰圖霖霖一日徵侯撫南

服須為作賦頌清朝不負坡門李方升

嘉靖庚子秋吳養亭為請先司成公卹典
至長安與陸子思豫一見傾蓋司成公與
家嚴為玉堂舊僚家陸子與養亭真世兄
弟也同客長安以文學意氣相砥礪者餘
半載茲以 聖天子追念舊學特錫司成
公葬祭於是養亭銜命南還陸子不忍別
調風火松四關以贈之

燕城三月見春歸上苑鶯啼行人不忍頻回首

滿空烟雨花飛萬疊雲山入望幾番魚鴈傳書
○于今拂袂整歸輿何處不離紅日舉頭宮闕
麗彤牆禁柳綠依依咫尺登車去也兩情一樣
相思

天上休光錫舊臣浩蕩皇恩綸音寫就鸞
箋濕鳳池銜出風生孝子懽呼稽首忠臣泉壤
傾心④春風披拂出都門鑾旂齊鳴滿道白雲
迷去路千林紅樹鎖歸津芳草菲菲綠野不堪
系手王孫

與君執袂謗傾尊送別城闌幽恨無端空悵望
幾時重會吳門莫說虎丘諸勝令人暗覺消魂
○春光冉冉照歸旌風掃飛英何處鳥啼山外
路玉人歸去馬蹄輕先壠光焚紫誥想應遙拜
楓宸

龍門消息在他年桃浪飛烟願君早到長安也
共看 聖主臨軒會見驂駟獨步應須先着瑤
鞭○紅樓十二捲朱簾京陌喧闐僊子宴歸香
滿道朱門蜂蝶鬪翩翩此日相逢一笑彈冠聯

戀悠然

送董紫岡上南雍調喜遷鶯

天南春暮看嫩綠初舒落紅無數陌上王孫江
頭騷客折柳向長亭路風翻錦浪眠鷗香染征
衣飛絮落日裏盱搖旌無計為春畱住○空佇
一任東風颺柳絲添我愁千緒多病沈郎知心
鮑子烟浦遙相顧春倦那能載酒把袂與君重
敘謔登樓見綠樹青山行人何處

送朱象岡北上調喜遷鶯

海國殘春正紅瘦綠肥清和時候燕陌雕鞍龍
江畫鷁看柳拂行人袖搖旌謾引離懷把酒頻
開笑口念王孫今日裏此去長安莫後○清晝
一杯綠醕醉江干恨馬蹄偏駛吳嶺霜寒燕臺
月冷魚鴈傳書否羨清譽滿賢關一似園橋波
溜望江南莫任苦相思沈郎腰瘦

春日飲雲山園亭調蝶戀花

紅梅初綻東風早簾外微風寶篆輕烟裊楊柳
垂絲鶯舌巧王孫携酒眠芳草○滿庭春色園

林曉芳徑遊絲地僻人聲悄謔酌高歌新月好不枉玉山頻醉倒

送邠百川歸晉陽調蝶戀花二闕

春風二月長安道紫陌飛花無柰寒猶悄王孫
寂寞整歸輿惱聽枝頭寒食鳥○長亭一曲驪
駒曉拂袂輕風滿眼迷芳草萬里燕雲春未老
相逢何日重傾倒

握手都城方兩月又是別離悶殺歌三疊一片
韶光春草綠不禁淚雨頻彈却○與君再向花

前約重到燕臺莫過清和節上林桃李多紅白
正堪沽酒行人折

春日病起書懷調武陵春二闋

春心種種憑誰語和淚灑東流朝來病起望林
丘空山宿雨收○催花幾陣東風惡猶自上簾
鉤池塘新漲曉烟浮洗不盡沈郎愁

一宵風雨花香褪病思轉悠悠摘花懶向錦城
遊蜂蝶亂盈眸○惜春心緒偏懊惱鎮日強登
樓凭高一望碧溪頭鶯舌巧柳絲柔

巴西歲余留京師瞻嶽遠寄念奴嬌一闕
懷思甚切因韻奉酬

江湄餞別回首見兩岸綠楊烟雨後到長安不
禁我寂寞琴書孤旅海上芳園花香月影何日
重相侶幾箇知音魚鴈憑誰說與○常想握管
敲詩携舟尋勝處許多濃意劇肆談鋒夢寐間
渾忘客裏春滿皇州更恐留不住問花淚語直
見秋風南浦歸撓輕艤

卧病調阮郎歸六闕送王升鶴南還

日暖小車輕王孫折柳行韶華景別離情○東
風拂玉旌傾觴滴淚雨沾襟遊人欲斷魂

贈別小癡子調蝶戀花

江上韶光春欲暮草綠汀洲折柳長亭路落紅
苦被東風妬離人何奈愁無數○酌酒臨流飛
鳥度三疊陽關何日重相顧橫鎖雲山留不住
回頭都是鎖冤處

為唐一涵題畫調風入松

白雲紅葉楚天秋蘭桂香浮青山萬疊無不到

那堪落日凝眸一曲瑤琴聲徹千竿翠竹烟收
○夕陽衰柳野溪頭數點輕鷗清夜獨眠金露
冷最憐新月如鉤多少井梧飄謝不禁涼籟悠
悠

贈藻續調青玉案

管鮑交情誰得似君共我應堪比幾年握手披
心膂尺素飛雲清談捲霧多少關情處○今日
行人纔獨步不禁把袂臨江潯試問朱衣知我
未何日風生追龍逐驥聯拂長安騎

懷張野津調武陵春

上林此日花如錦
天際獨新陰
長安有箇人如
玉魚鴈謾傳音
○落紅萬點江南雨
愁病苦相
尋
凭闌回首不禁情空折柳寄征人

送顧方壺北試賦帝臺春三闋

春深澤國紫燕飛
南陌聞說王孫初駕燕
轅離
懷如織
惱殺多情愁病裏
那堪預江頭
祖席望
長亭幾樹桃花千行柳色
○情脉脉風無力看
盡鷁留不得
腸斷綠莎堤
暗搖旌吹不散暮雲

凝碧苦憶萸歸期猶未休憶回首天涯客客夢
斷江南莫問春消息

彤庭金屋風細琅玕竹正是僊翁日直御爐天
香馥郁此去燕臺相見也辟雍流水圜橋綠棘
圍筆陣春蠶奎纏夜燭○風簌簌塵漠漠餐金
粟標天祿得意且歸來盡船迎秋波江上人如
玉龔姓獨空群天馬幽谷頻寄相思曲堂上慰
慈顏魚鴈仍相續

多君伯子禁苑紉青史鳳閣鸞臺飽浥清光蜚

聲中秘夏日清和城闕望正喜見雕鞍如蟻忽
相逢攜手臨風旅懷傾洗○金石契骨肉誼君
須記頻說與意氣重男兒論交情驅黃牝壯知
何處謾駐香閨猶悵望凝竚拂袖沾飛絮一路
送春歸春與人同去

送碩漱玉上太學調望海潮二闕

江帆飛鷁汀莎沒鴈玉人方上皇州酒泛霞觴
潮生烟浦那堪淚灑蘋洲雲樹兩悠悠蓬窓迷
岸草一任夷猶羨爾詞源倒傾三峡楚天秋○

清時肯卧林丘看詩題杏苑名徹宸旒朔月關
心燕風刮耳誰云悔覓封侯壯志奮吳鉤故園
芳草合魚鳥含愁何日京塵夜話清醕瀉牀頭
分經講席園橋流水青衿正爾觀光筆走蛟螭
胷羅珠璣才名應徧巖廊竟夢到家鄉花明思
戲綵恍在高堂惱聽啼鶯醒來歌枕恨微茫○
匆匆折柳秋江喜袖多卞玉詩滿奚囊春老彤
庭荆粉紫閣千年際遇明良子復共翱翔聯鑣
過上苑衣惹天香重看聲華蓋世青史更流芳

懷汪石川調浣溪沙一闕

百尺流泉骨共清
懷君終日恨難平
當年猶記望行旌
千里魚檣渾未到
數聲鶯語夢魂驚
何時重會碧山亭